



桂學文庫·廣西歷代文獻集成

潘琦 主編

蔣冕集

3

GUANGXI NORMAL UNIVERSITY PRESS
广西师范大学出版社



1527032



桂學文庫·廣西歷代文獻集成

潘琦 主編



蔣冕集



淮明師範圖書館 1527032



3

GUANGXI NORMAL UNIVERSITY PRESS
廣西師範大學出版社



·桂林·

重刻蔣文定公湘臯集卷之二十五

清湘後學俞廷舉重瀝

闔邑紳士。同刊

書後

書瓊臺先生挽羅都憲詩後

正統十四年秋八月十五日英宗北狩時羅公亨信以右副都御史巡撫宣府大同數日也先奉車駕至宣府城。兩傳旨諭總兵官楊洪及亨信開門來迎。不果。於時有建議欲棄宣府城者。亨信極力拒之。城得不棄。其事載在宣府舊志。乃故大學士邱公瓊臺吟

湘山集

卷二

二

稿中可考也近日宣府巡撫所奏謂爲羅通則誤矣其時通方謫爲閒官後以尚書于公謙薦始陞兵部員外郎守備居庸關後又歷陞郎中左右副都御史右都御史有事宣府大同地方與亨信未嘗同時蓋亨信出廣東通出江西實非一人也

讀朱子大全集筆錄書其後

西銘云大君者吾父母宗子也朱子釋之曰人皆天地之子而大君乃其適長子所謂宗子有君道者也故曰大君者乃吾父母之宗子爾此雖以繼禰之宗爲喻亦可見大君非不可以稱宗子之一證也或者乃云天子無宗法豈其然乎偶讀朱子記林黃中辨易西銘因識其說

洪昌集

卷二十三

書忠愛堂記後

冕昔在先師少保瓊臺先生館下見先生記黔國武
僖公家忠愛之堂文成而一時縉紳莫不交口傳誦
未幾而先生捐館舍武僖尋亦下世此記卒棄之塵
埃敝簾中莫或表見於世今武僖嗣孫玉岡公綏輯
之暇亟欲緒成先志冕因檢所藏善本錄以寄之俾
公刻之貞珉庶其家奕世勛德之盛與此記同一不
朽云時正德七年壬申歲夏六月既望去作記時已
十有八年矣

書元張伯成杜詩演義後

楊文貞公序虞文靖公所註杜少陵七言律詩所謂
杜律虞註者刻本在江陰行於天下久矣序不書年
月惟書榮祿大夫少傅兵部尚書華蓋殿大學士官
衛蓋在宣德正統間而宣德初年已有金溪進士元
人張伯成所註杜詩演義梓行於世二書篇目次序
雖微有不同而皆用文公傳詩與楚辭例先明訓詁
次述作者意旨而以一圈別之其同者蓋十之八九
演義篇首有曾子白之子昂夫所撰伯成傳稱伯成
之文務在追古作者嘗以所著尚書補傳杜詩演義

湘集

卷二 一

三

雜文若干手抄成編謂門人宋季子曰吾志在斯惟求吾師曾先生正之而已先生指子白也傳後附錄獨足翁吳伯慶哭伯成詩亦有箋疏空令傳杜律之句則註杜律者乃張伯成非虞文靖明矣竊意文靖家臨川去金溪百里而近伯成所註杜律文靖豈嘗見而愛之其不同者豈文靖嘗筆削之歟未可知也文貞序有云或疑此編非出於虞蓋當時亦未嘗不致疑也暇日曝舊書偶見演義漫筆識之以諭知者

書威信侯廟記後

右威信侯廟記宋人祝禹圭所作其文載在宋清湘志及本朝正統間州志中二志所載詳略不一而首尾皆同尾皆至封威信侯而止其文恐非當時全文也自國朝洪武以下六十三字則今代人所書成化中續修州志乃以北六十三字連屬上文合爲一記遂以禹圭爲國朝人則誤矣偶閱前後諸志見其抵牾不合參考而正之庶俾後之續州志者不至仍襲其誤也

洲阜身

卷二十一

讀季山甫詩書後

王鐸過魏爲樂彥禎之子從訓所害山甫與有力焉
蓋山甫累舉不第而怨當時執政故移怨於鐸也使
其得志其惡豈下於李振哉

神道碑

大明靖江安肅王神道碑銘

冕嘗讀兩漢書見其所列同姓諸侯王數百而大雅
不羣有若河間獻王德爲善最樂有若東平憲王蒼
僅一二見豈生長富貴而有德以將之世固難其人
哉此冕於靖江安肅王之薨其嗣王來請銘王神道
之碑不能無慨焉者也靖江雖僻在一隅去京師數
千里而自疏封以來奕葉相承父祖子孫世篤忠孝
奉法循理切切以驕奢淫洩爲戒非有慕於河間東
平之大雅樂善而能若是哉王自正德戊寅始膺封

洪武集

卷二十一

五

爵至嘉靖乙酉三月某日遽以疾薨在位僅八年壽止三十有三其善美見於事行者雖未足以充其所存而仁孝誠敬恪遵祖訓惴惴然惟恐有違也不以其累世先王宏規懿範足以垂裕於後而有所持循也乎我高皇帝大封同姓之初以皇兄南昌王之子前大都督諱文正未封而沒也特封其子爲靖江王賜名守謙一切恩數與夫官屬規制槩與秦晉楚蜀諸藩等蓋都督少孤母王守節依帝居止帝事之甚謹撫都督愛逾已子故雖身後恩禮有加焉載在國史可考也靖江王一傳其子悼僖王再傳其孫莊簡

王莊簡生懷順王懷順生昭和生端懿王懷
順王之曾祖昭和端懿則王之祖若考也母妃楊氏
兄弟七人王爲之長以宏治癸丑某月某日生於寢
宮上距南昌九代矣王諱經扶生而穎異不凡年甫
八九端懿疾委以國事已一一區畫有條年十二勅
掌國事賜一品服逮襲爵後日益老成慎重事無小
大動遵成憲自建藩至今宗室繁衍凡有事相接其
於尊卑等差與夫稱謂拜揖之間未嘗一愆於度歲
時有事宗廟必竭誠盡敬牲帛非躬親省視不敢以
獻拜稽灌奠儼乎祖考臨之在上於奉祀山川亦然

洲集

卷二十一

之

性尤克孝懷順王妃谷氏薨王以曾孫代端懿王主祭自始事至卒事舉無違禮發引日徒步送至墳所中途有勸其登輿者卻之且曰送死大事敢憚勞乎及端懿王與母妃楊氏相繼以疾而薨王於父母之疾也晝夜躬侍湯藥未嘗離側或中夜焚香籲天誠意懇到及其薨也旦夕哀毀幾無以爲生有人所甚難者平居喜學問審理周垚質而有文日必延之講究經史改容禮貌稱之爲先生而不名讀書之暇隨筆作詩文皆有關於身心倫紀不爲無益語嘗於宮中獨秀山間鑿石爲盂以浣手而銘之以著自新之

義又爲敬義箴皆刻之於石山之勝處時登眺焉興之所至輒形於詩長篇短章多至數十首間與儒生遊岳洞間商略名之岳曰樂天洞曰潛修又於山之左右豎二緯楔而以報國思親扁焉凡此皆足以見其志之所存矣國中山場土田所入歲有常數先是其或不計豐歉而歛之至有破家不能償者王始因其豐歉而增損焉遇歉率量減其入數終王之世人蒙其惠心雖慈仁用法不私於近習嘗愛一善書者遇有吟詠輒命之書後其人欺誑事敗卒置之於法不少貸性明達未薨前半歲預製棺歛之具屬續三日

湘寧集

卷二十一

前設飲饌與宮眷訣別下至內使宮人皆有賚予踈戚重輕錙銖無爽愛嗣王雖篤而教之必以義方將易簀猶呼至膝前丁寧教戒至於忠君愛親讀書好禮寬罰卹衆事言之尤力其神爽不亂如此訃聞皇上嗟悼輟視朝遣行人傳鶚諭祭自聞喪至祥禪凡十有四命有司營葬事賜諡安肅所以寵卹之者甚厚以薨之年十月某日奉葬堯山世墓之次配妃徐氏河南孟津知縣敷之長女江西按察僉事乾之女弟生子女各一皆早殤次劉氏桂林右衛指揮使禎之長女嗣王之生母也嗣王名邦寧先帝所命也王

之薨嗣王方奉勅以長子掌國事居堊室遣承奉正
魯潮左長史胡傑偕來請銘旣又遣典膳陳拜儲累
來速之來必有書凡書必稱孤稱名初奉徐僉事所
述狀後又自具狀其欲貽父令名於無窮意甚懇懇
冕以衰老多病學殖荒落不足以副孝子顯親之心
再三辭謝不獲命乃取狀閱之節其事行之大者暨
得於國史所錄者書之復繫之以銘其詞曰

高帝皇兄長惟南昌撫孤守節厥配則王孤翊興運
勲業未究乃有賢嗣克承厥後國封肇啟曰維靖江
建藩樹屏以殿遐邦修德礪行允如聖諭國史大書